

戊戌六君子遺集

五

蘇子學堂  
PDG

同治甲戌夏五月始識楊君儀邨於都門余時年二十三君長余三歲見其言論丰采爲傾倒者久之旣又讀其爲尋管香丈題齊縛詩縱橫恣肆如壁上諸侯觀項王破章邯鉅鹿下叱咤啞啞不可仰視乃知其雄於詩然猶未閱其全也厥後余以知縣赴豫需次不見者五六年其間余兩遭大故讀禮家居值吾晉纂修通志余與君先後膺聘來局以文史相切躡余所藏弄金石文字君一一以韵語跋尾因得盡讀其舊製蓋至是始有以論君之詩矣余嘗竊謂我朝之詩教極盛卽以吾鄉論午亭相國蓮洋徵君外無慮數十百家然講王孟者或失於孱弱做溫李者或病在纖縟矜才尙氣者恆高自標格於杜韓之間其弊也外枵然而中無物而矯之者又襲乾嘉後談性靈者之唾餘黜格律廢學殖佻巧橫生而詩乃大壞君少具宿慧負奇氣復汎濫子史自漢魏六

朝暨唐宋名家無不入其室而闕其奧故其發而爲詩運筆於尺楮之間寄想在九垓之表對客揮豪不名一格英鷲樸厚而出以和平卽偶作豔體亦猶是美人香草之遺是實能一空依傍而兼有諸家之長者君顧歆然不自意隨手零落錄存者才寸餘若將終祕諸篋衍不出者王顧齋師楊秋涓先生並勸鋟木以代鈔胥余亦敦迫再四乃始付梓署曰雪虛聲堂詩集是集出吾鄉從事於詩者其將人手一編以奉爲津梁也必矣雖然余前與君契闊久獲聚處年餘知君乃日深今又將赴豫與君別益自憾業不加修自茲以往欲求得如君者與之友未可卜也意愉然殊不樂乃愈厚有望於君君以考據名家是集也故出其緒餘而爲之者也出緒餘而爲之已足一空依傍而兼諸家之長矣他若天筭之精地望之确形聲訓詁之覈君故積有著述其益輯而成之

出以問世庶將與潛邱生太確軒生介古愚生臨翼聖

原曲半塘父子及安諸老宿並峙不朽而豈徒與前輩

詩人斤斤然較短長於字句間哉若夫讀是集者目未覩其他箸或竟

謂是遂足以闕其全也有識者當自辨之光緒七年太歲在辛巳長至

後五日安邑武育元伯申甫

童心小草序

將欲發響神皋振平林之落葉迴瀾靈壑涵衆派之支流聲屏噌吰乃  
寂羣竅量宏吐納斯聳巨觀是必博通古今包函雅故珠囊列籍犀鏡  
羣言抗指漢魏之間結想周秦之上辛觚癸鼎都任摩挲蝨腦蠅肝儘  
歸淘汰送抱于周情孔思擷腴于宋豔班香託嵇志之遙深標阮旨之  
清峻譬諸精耀良冶六合大以鑪錘火盜僊丹九轉深其鼓鑄庶幾選  
樓獨步雅奏應聲成一隊之雄師樹九門之通軌誰與嗣音實難作者  
吾鄉楊君儀邨比部殆其人乎嘗檢篋中出示舊作始自成童亦越弱  
冠揀百許首剩六千言大都據寫性靈本源倫紀無鑿鑿俗狀合風雅  
遺規班管綴花代文通飾筆古囊香溢爲長吉存詩論者比之楊柳方  
春便饒姿態芙蕖初日儘得丰神謂非秀孕仙才福分慧業其能含宮

振羽能事聿肇孩提翔玉鏘金出言輒驚長老哉然而游倦龍門史才益肆年來開府文律更成儀村歷官京曹交遍海內磊落之氣既動於遠游錫石之功復精其磨琢三墳五典之義天蓋地輿之學旁及窺覈測綫繪素鐫文靡不睥睨百家開拓兩界故時出意解滙爲文章踳駁者避席礪礪者卻步如遊五都中有寶氣如合羣樂獨聽韶鳴洵足以徧酌衢尊咸得鑿心之契別開蹊徑皆歸屐齒所窮是編者則又全豹之一斑崑岡之片玉也河東古稱帝都代有賢者太行左轉黃河西來鬱鬱深深蒼蒼莽莽奇氣所蟠鍾靈益信又况涑水舊居溫公著史之才湯山石室景純讀書之所希軌前哲其在茲乎把臂時賢方斯蔑矣時君主講首郡謀付手民署曰童心小草意歸紀實辭取鳴謙余既服榮才尤欽績學不辭譴陋謹綴序言語不驚人愧我寒竿失響射能通

聖羨君嗚矢先鳴時光緒壬午七月既望曲沃蘇晉康侯甫序於并門  
志局之寄螺室

白雲司藥序

涑水之曲景山之陰有石室焉世傳郭景純讀書處也余嘗再至聞喜過郭村求其遺書不得久之而得交吾友儀村比部儀村於經通小學於史長地理又精秌算旁及繪事詩則淵源魏晉泛濫百家蓋生景純之鄉而能爲其學者也余每謂近代經生爲詩恆患滯於物詞蹇於韻而才人逸足奔放又華而不實往往流於淺薄爲通儒鄙棄雖班楊孔鄭造詣各別要不可謂非限於才也儀村少負神童譽自髫髻泊通籍所爲詩不下千餘篇巧縛而謝雕鏤奇崛而出以婉逸實祛經生之弊脫才人之習而兼擅其長者白雲司藥一卷皆其官京朝時所作其中投贈之什半及於余余性懶又苦才盡恆置不報儀村亦不自顧惜脫藥後輒棄去余嘗謂之曰君學如景純多能亦復似景純集十七卷



與所注三蒼水經易詩諸說久佚無傳昭明選詩止錄遊仙之作世亦第傳其鬼眼狐首諸書盡舉神異怪誕之說歸之經學且爲所掩又烏知其以詩雄一代哉君之齒未也名山著述固將有待盍先集所爲韵語及時刊布爲注蟲魚非磊落人一解嘲乎儀村不謬余言始稍稍存藥暇輒疏記舊作雖遺忘過半而就所存者論之已足問世况爲之不已且有進於此乎抑余猶有爲君告者君篤好算術舊製鋪地錦籌馬方思箸說以闡其用而鄞周氏之中西算學輯要今歲新刻於滬上其中籌式後出乃與君閤合君遂不欲卒其業昨王願齋丈聞君製天尺地球亦笑曰異時人恐復以京房管輅目儀村儀村將與景純並受神仙之誣矣時余同在坐亦勸君窮經治樸學勿再馳思高遠滋後人疑也詩又其末焉者矣仍弁諸簡端以告儀村並以告世之讀儀村詩者

鄉寧楊篤蚪麋父序於太原志局

井垣皋比集序

溫柔敦厚詩教也而陸士衡乃更爲緣情綺靡之說前輩鄙爲六朝之習言吾友楊儀村比部獨曰是於六朝爲習言於近世則藥言也近世之稱詩者往往儉腹固陋而蘄於速成旣揣難登昔賢之堂遂遁而援性靈以自解不難取鮑謝徐庾概薄爲綺靡之音而唐初四子勿論矣下至張王溫李宋之楊劉元之天錫廉夫明初之季迪孟端以暨國朝駿公賂上錫鬯天章諸公胥指爲綺靡而弗視矣此詩之所以日趨於佻薄也夫綺論其藻靡論其聲藻恐其苦窳而聲懼其嚙殺也則綺靡真急務也彼之詆而不爲豈真有以勝之哉特欲爲儉陋解嘲耳不學之過也學不厚則情不能深而風韻色澤胥有所不足是雖欲綺靡而不能不能而反詆之誠何心矣使其人不甘文過積其學以培其情鑄

調於樂府而儲材於選樓知所謂綺靡者本乎情之不容已音節可歌  
風景可繪而文采不可掩也則雖士衡之措語如或小失猶將視爲性  
靈之補劑足醫吾固陋而當吾師資矣故曰近世之樂言也余聆其論  
鼓掌稱快旣乃得盡觀其所作婉麗纏綿神味獨絕間出悲壯之音清  
遠之格而壯不流於麤莽清不鄰於脆弱則微會於綺靡之旨而終底  
於溫柔敦厚之歸不啻借徑而造極也以視夫空談性靈之末流蓋個  
乎遠矣比錄其近作將刊爲并垣舉比集而屬序於余余本固陋敢辱  
君詩然鄉所承教於君者與君詩若合符節應卽以君言序君詩而救  
弊之旨亦以著至所謂舉比者君時主講太原之崇修書院講經辨史  
步天考地之暇復欲以風雅爲諸生倡故以名其集云時光緒壬午春  
王月人日曲沃仇汝嘉楹侯甫序

雪虛聲堂詩鈔目錄

卷一 童心小草

初應童試以默經能賦入學學使江夏彭子嘉師賜手書觀世音

經因題後

論婚

凍脚

壬戌元日

赴省試過韓侯嶺謁廟時甫念史記

親迎雜詩

田間作四首

聞邑竹枝詞

表兄翟海田師歲貢就職族人感

其經理祠堂之無私也製屏以贈屬作題句

妻兄李兩艇茂才屬題尊甫明軒外舅遺像集唐人句成轉韻體

赴都留呈海田師

赴都留題齋壁

烈女趙二姑詩

京師寄表兄翟海田師

懷舊詩

先伯祖博如公

先從伯父丕承公

先從伯父明章公

明經翟海田師

許逸卿上舍

周康侯大令

妻兄李兩亭司訓

徐芮南大令

侍講林錫三詩

題劉景韓師像

讀華陀傳

座師曹朗川夫子命畫馬因腹以詩

三月晦日送劉小渠比部旋里

贈常小軒

落第

下第次日送衛莊游天津 送周康侯西歸

熱河贈劉秀書司馬

送許桂一孝廉

送杜英三拔貢

近聞房師陶公商巖卒安邑任所

不審旅櫬何似其幕友夏淵如亦久不見消息

次韵沈雲巢方伯重宴庚午鹿鳴紀恩之作四首錄三

送家春樵孝廉歸里

贈賈小芸

生日至趙州橋次壁間韵

湯陰夜過未能瞻禮岳祠用店壁

韵書意

雪夜寄劉選之猗氏

寄訊山陰陸子善出都兼以寬之

九日有作奉送曹朗川太史師出守南康兼呈吉三太史師叔

朗川師將赴南康任以詩留別次韵二首

朗川師命畫扇一面書前九日奉送之作以當別念畫成又系小

詩

熱河留別金元直西歸

齊鐔詩為尋管香給諫作

再為管香給諫題齊鐔拓本

歲寒三友詩

為外祖母孫太孺人撰書事一篇

撰畢悽然賦此

里門外有郭景純碑因題長句

謁裴趙二公祠

卷二 白雲司藥

刑曹初直四首

贈家秋湄孝廉兄

東柴賦嘉茂才

刑曹直宿讀秋湄詩及所撰西寧志輒題四首

題柴子芳明經雜臨諸帖卷子八首

戲東賈小芸員外四首

滿洲同年常小軒屯田今總憲阜

蔭坊先生猶子也總憲新遇喪明之痛小軒又將假歸熱河祖



席口號三首送之實以留之云

和賈小芸寓齋卽目原韵

墨牡丹障子爲王槐堂孝廉題

自題所作畫

送喬翰卿大令游天津就幕南皮

八首錄三

虞部劉小山大兄見問詩法酒次

成轉韻體答之

明末吾邑上邱村趙加爵字璘玉

與弟加品乞食養病母母歿廬墓三年每飯必哭奠焉一時無  
識不識咸稱曰孝子趙四郎初父工醫術至是四郎嗣業益精  
泊闖氛日逼逃山中衆謂孝子所止必有神守護故隨之者常  
數百千人四郎獨部署飲食之卒不遇寇康熙中同里朱小晉  
司農與家少宰起齋公合詞奏於朝乃得以巡檢官遼東孝子  
之名大噪天下矣崔子高學使居與比隣爲作傳徐臥雲山人

撫其事蹟繪爲圖凡七番國初諸老題詠者冊厚蓋尺餘矣光緒初元其元孫翔鳳仲翹官中書出冊重裝池之余爲徵海內名宿詩亦甚夥與原冊均厚仲翹仍丐余作乃逐七圖各系以詩詩亦無定格期於達意而已

負米謠

哺飯歌

挽車吟

守窠詞

蒿廬哀

藥肆銘

舉孝詩

自題所作畫三首

湖南宜章宋衡少好劍術里有邪教講堂不逞之徒聚焉或以藥術迷里中兒取兒睛衡怒糾里人毀其堂互有殲者教徒賄官名捕衡衡亡至黔中又念老母弱妹恐陷獄乃陰歸省而捕者

數百圍其宅衝孤劍轉鬪出威勇關卒無敢逼者事既解繪仗  
劍入關出關二圖志其痛其同邑吳醉琴農部與余善代爲索  
題乃各系以詩

贈家秋湄學博大兄八首錄四

題黃太守采芝圖八首錄四 中秋對月有懷楊大篤蔚州喬八

駿保安州 和陳小農計部秋晚元韵

和許韵堂同年秋懷元韵二首

無題 出塞行

寄秋湄蔚州志局二首 送許韵堂南歸二首

鞠歌行四首 灤陽懷人詩十五首

自題所作畫 題畫

除夕感懷四首

春暮得秋湄太原書卻寄

和陳小農海淀二首元韻

再和陳小農海淀元韻

陳小農三索和海淀元韻

送梁曦初侍御出守興化二首

祁子禾侍郎招祀顧亭林先生因囑繪顧祠雅集圖慨然有作

下第綺感八首

邊拙存兄見示秋雨夜話之作次

韻書懷

再疊前韻送令弟竹潭同年改官

浙巖

有懷兩夜

懷舊

題常小軒庶常所藏歐陽九成宮

醴泉銘

外姑李母杜太孺人壽詩

卷三 并垣臯比集

題馮魯川廉訪所藏米芾蕪湖縣學記爲武養齋大令作

題成哲親王雜臨諸帖七首爲養齋大令作

題英煦齋相國所刻劉文清帖爲養齋大令作

壽王遐舉先生

外姑杜太孺人三周禫祭令嗣製

屏索詩擬垂家範內子亦寄書代乞因案來狀件繫之得截句

十四首

母舅劉公訃至云臨終哭念余也

泣作

哭衛莊游學博

擬何大復明月篇

題吳道子畫佛像幀

前題乃王鼎丞觀察課試之題聞意主論畫再擬示諸生

衛靜瀾中丞課試晉陽書院有晉中景物四題擬示諸生各二首

三門激浪

五臺連雲

冽石寒泉

蕊羅春色

題馮習三廣文詩集令息佩芸夫人婉琳屬題也四首

武養齋借得宋揭婁壽碑雙鉤見示因題四首

養齋因余詩故盡撫祥瑞及畫像爲跋長句

擬杜秋興五首

景龍觀鐘銘歌爲養齋大令作

題歐陽詢虞恭公碑爲毛寔生學博作

遊恆山詩

倣元遺山論詩絕句五十首

童心小草

庚辰 沈中 錄至 本甲

雪虛聲堂詩鈔卷一

聞喜 楊深秀漪春甫

初應童試以默經能賦入學學使江夏彭子嘉師賜手書觀世

音經因題後 二時 讀十

蠶眠細字妙花簪手寫高王觀世音我似善才童子否旃檀一瓣答婆心

論婚 讀十三

孤兒依伯叔取次與論婚土物儀殊潔冰人語亦溫俗同宜近里名著屬高門僅覺私衷慰終憐隻影存

前問名王氏未成賦詩有生子當如李亞娶妻豈必齊姜句通幅遺

忘不錄

凍腳

餓腸莫與飯與飯亦須稀  
凍腳莫向火向火亦須微  
所以求治人貴示善者機

壬戌元日

歲十四

往歲頒新朔春回慶改元  
飛龍仍上哲封豕敢中原  
粟麥今朝卜衣冠古意存  
太平真氣象大抵在山村

赴省試過韓侯嶺謁廟時甫念史記

寄食既不終南昌一亭長  
推食仍不終泗上一亭長  
食人死事縱自期無那  
二人各有妻亭長妻存  
漂母死傷哉國士困牝雞

親迎雜詩

癸亥三月十四日

果然練得此良辰  
杏雨梨雲色色新  
夾路桃花何預汝  
紅攤步障遲香



輪

名鋪步  
錢障  
子俗

散花手重恐難勝吉語同祈五穀登疑是今朝天雨粟誰知紅豆撒三

升

穀撒五

官窯瓷式兩相同版插花枝耳掛紅侍者雙雙齊抱入日躔應值寶瓶

宮

瓶抱寶

兩束黃禾簇簇新侍兒提撥總隨身聊將刈楚迎之子敢道純茅况玉

人

把提草

帖子題詞小閣春斜鋪拜毯待新人無須喜字環三六只畫梅花譜喜

神

神拜喜

豈是雙行賦錦纏赤繩繫足綵披肩剛從帳裏徐徐曳齊唱姻緣一綫

奉

奉紅

交斟綠醕溢陶匏斜背銀鐙解粉包洗手羹湯何處進傷心不忍瞰嘉

穀

交合盞俗名  
杯盞酒名

鐙前乍見解鈴人手贈紅囊白氎巾自笑平生無長物酬君約指一鉤

銀

贈解  
指解  
環鈴

田間作四首

有序

八九齡日大伯父恆令同子特兄芟草習勤唱儲王句若農歌焉頃  
弟輩者無復以親穡爲事矣穀雨下輒率往田間種豆爲憶昔况一  
泫然也

一癡一醒童子半讀半耕秀才記得飯牛刈草茸苜蓿花開  
便有濠濮間想自云羲皇上人不妨日涉成趣但覺掇皮皆真  
田中穩跨烏犍山外時聞杜鵑一帶蒼煙如疊半規紅日猶圓

楊柳隄邊孤墩桃花潭上閒田吾家舊業如此世上浮名淡然入沙後園之水

此亦青直潭大跡十家田墩即在

聞邑竹枝詞 七乙 歲莊 作十

春雞絢彩鬧蛾華幾度鏡前手剪紗明日迎春郎去否新成一串水荳

花俗則稱於常迎作仙日人雜編劇戲風作虎處及背水結白花雜糝毛上如雲氣投日之開河鏡流響婦過人

乃元已嘗

新正十六好遊城燕瘦環肥取次評爆竹斜飛裙底過金蓮瓣瓣火中

生元初服宵不次日耀人遊人治皆少入年城或穿然街地越善是謂曰坐遊下城以婦之輩列俗坐也門然前大家放

之無

百花生日鬪新妝拈取旂檀一瓣香喜得頭生兒子好與君同謝石娘

娘之昔曰年石邑賦十歲里以濟二月中月十五日製為出一火石之俱期苦婦好入往子往土廟人子立廟此祀

漫愁窄窄小弓鞞也上城南八里坡但到香山休乞子此山兒子博徒

多晉山在城南也即上唐有城八里所城池

綠陰翳鬱隱兒家肯放牯頭露杏花伴我當依楸妳妳囉人莫惹柳哇

哇柳花含苞日起泡者中綠豆破之俗名柳哇哇香小兒食之則呼為楸哇哇

野外游民懶灌澆廚中拙婦厭烹調山田半畝商量種女曰蔓菁士曰

蕎即麥食種女持無收刀七子無疾之勤勞澆白詩苦已憂作菁黃

白土河邊杏子黃紫金山下麥花香今年四月風光好七社輪番賽稷

王每歲稷以教察村地主禱賽王例山於四月西十境七日割入廟禮凡七縣年出城仍為白土王廟

山在城東北金

董湖西畔是儂家豔似紅蓮敢自誇不願為花願為藕願郎憐藕莫貪

花十湖即左村曰董湖澤在多色紅東蓮四

霜紅柿子滿筠籃蒸酒成花曬餅甜妾自別郎醒亦醉郎如念妾苦皆

甘對色花北原多柿盛蒸酒共子清冽或曬上作者博餅食中池影如蜜起是日

葦簞精工蒜瓣勻鐙前共作約村鄰休令女子偷看見教女何殊教外

人教色東教諫婦濕不凡教女堰恐產女嫁產他蘇處織毒其利蒜之技

警省清晨玉案鐘鐘樓近日忽泥封何人閉絕噲咍響天鼠空傳治耳

龔每邑三擊門樓上更有巨鐘封金閉時樓玉案不解毒何也昔

交杯飲罷甫團圓何處曾締一面緣往歲郎看臺閣否兒身扮作牡丹

仙四俗人妻社以日遊街好名曰子戲團戲有時扮小調說實雜社劇語故也

翠繞珠圍助結繭靚妝同醉堦家后旁人只道家門盛那曉虛姑與假

姨俗送嫁者往馭往之數十人姑且姑女子居十之

泥金新印秀才銜畢竟郎君才不凡昨日聞娘親口道今朝來與送欄

衫凡始入學者吹竽家為

千花繡服蝶衣香百葉裁裙鴛帶長贏得周身穿著好一生魂夢繞瞿

唐書色多婦服一買到一生到中散者以道也然故五年始一華

表兄翟海田師歲貢就職族人感其經理祠堂之無私也製屏

以贈屬作題句

平生大布黯無華繡藻初賁處士家繡服當心鶉火麗未妨君實也簪

花用織補款補款服

函丈清嚴得未曾一生書味問寒鐙夢魂終少全身熱冷絕頭銜一道

冰

歲欠桑盛託薦饑君來斗覺祭田肥無他謬巧催租法龍伯廉公自有

威

共羨通經冠十科胡然賀客總無多可知家法傳廷尉世世門堪設雀

羅

中丞委權方伯君恩並光榮榮及麻城鎮酒并太平垣一瓣心香三爵酒文孫

承詔舉經明

卅載談經精舍開多文真箇勝多財家書何用貽王粲公子新聞舉茂

才

妻兄李兩艇茂才屬題尊甫明軒外舅遺像集唐人句成轉韵

體

家占中條第一峰述王藹然林下昔賢風蒙時得從岳叟誠堪重妻李父中俗

故呼用此今古悠悠不再逢酒黃暫驚風燭難留世伯楊想到病身渾不識伯

紳李眼不浮花耳不喧杜卓貂擁出花當背香施夏臘高來雪印眉菊杜

光添銀燭晃朝衣詩貌堪良匠抽豪寫書何似先教畫取歸千如今

說著猶堪泣徐長愧昔年招我入助振碧融青瑞色新徐挂君高堂

之素壁甫一時驚喜見風儀詩點筆操紙為君題詩憶事懷人兼得

句李縱然相見只相悲羅相逢但說新正壽能相留且待雞黍熟沈

八期日每歲勸必往在正月須為當時一愴懷指似旁人因痛哭六十

衰翁兒女悲白嵩陽松雪有心期李不知家道能多少休今日

河南勝昔時詩雨近山莊及歲入登河南七里灘西片月新南勸

農原本是耕人頗即今惟見青松在耶冥漠重泉哭不聞白田田我

常在邑耕北之七里亦亦亦斗酒十千恣歡謔白黃金用盡還疎索通我

聞此語心骨悲元今日偶題題似著杜深戒酒食游戲之微也耶在生

惟求多子孫張閒夜分明結夢魂與共羨府中棠棣好此謂風雨耶和



風遲日在蘭蓀

劉家孫

此男

龍馬精神海鶴姿

此男

行義惟愁被衆知借

問路旁名利客

題

爭名爭利徒爾爲

王路寶

赴都留呈海田師

師真知我者師事我尤知身老文章慰家貧禮義支廿年深雨化千里  
入秋思朔雪龍沙夜難忘侍立時

赴都留題齋壁

一曲驪駒千里馳衷懷料亦少人知山中小草云宜出階下名花號可  
離弱冠終童空壯往遠游屈子本艱危瘦男無送伶仃去尙念家園發  
五噫

烈女趙二姑詩

序有

二姑榆次農家女生十四年矣灼灼有豔態強鄰窺之久女小無猜

竟罹暴橫事破到官官受賅並蟻汚其母二姑膺腆之餘忽奮然曰亦至此乎吾何愛一死明母耶死無知斯已耳若猶有知厲鬼亦人所爲者袖小燧刀遂血濺堂上數年矣京師御史始聞而奏之淫人伏法貞女得旌墓前碑蓋顧南雅之詞云四首

榆次二十里有碑大陸上烈女趙二姑遺骸此中葬生小人如玉雙眉隨意綠雛鳳自飛飛却被鷓鴣辱偏斜到纖履身僵心不死滌汚並流香十里洞渦水古有女郎山今有女郎墓草有好女花木有女貞樹

京師寄表兄翟海田師

娟娟皓月見春城遙憶先生坐月明繞屋樹深添茗色開簾花顛聽書聲風狂廿四身無恙路阻三千字有情壯志未衰矜未去旁人錯道爲

功名

懷舊詩

停雲凝樹積雪皓墀此夜懷人能無惆悵死者已矣歎宿草之黏天  
別去黯然憐垂楊之隗地每下西州之淚爲念南皮之游永夕呻吟  
萬感空集嗚乎謝康樂述德之什况出恨人阮元瑜思舊之銘都爲  
知己可能寄諸地下尙欲問之天涯方習試帖未免俳體雖無詮次  
正有深情

先伯祖博如公

公諱

盥罷薔薇露遺容捧德馨先生親贊柳彼美合思苓

公小照贊

少日飢

謀祿中年憤誦經五常眉首白

人先公祖爲兄弟也

小阮眼承青詞韵歌殘月

公諱

游踪感客星友于姜氏被慎爾富公瓶百載庭槐植三秋墓草

零貽孫空有穀何日負螟蛉

先從伯父丕承公 崇公諱烈

世本農家子窮經四十年陽剛真學問陰德老因緣  
葦榜知誰捷花樓

與弟眠不侯非戰罪乃聖已名傳 人公有吾厚色歸味聖料人來知為神誰里鄉稱為皆

文知為吾家也論之以富不為公價六撲我塵三斗推人麥一船 公遊開光丙午以曠邑同大里

耕餘詩畫地病閒史談天蘭玉空聞茁藜牀痛見穿龍蛇嗟往歲月已

百回圓

先從伯父明章公 公諱煇

平生知己淚第一灑家庭適口銅盤食低頭玉屑聽當年  
初齒毀鎮日

已心盟伯道中途泣康侯後開扇兒癡譽有癖弟死痛無靈杏繞求醫

路蕉園問字亭上殤憐穉子晚節枉添丁子子倉公女淒涼出小屋

明經翟海田師 同名補飛里人

夫子何爲者年來鬢欲絲先人真宅相後學大經師似舅稱多識求郎  
惜少貴書橫翁子擔布補仲舒帷鴉鬻同兄作豚蹄有母遺高才驚哲  
匠大師曾以解經使沈百公厚德付佳兒身老文章慰家貧禮義支昔曾題  
此句至竟確難移

許逸卿上舍名處才

大隱無泉石儒冠入市游萬花嚴卜肆一葉范扁舟自服車牛賈詎思  
繪狗侯畫山巫峽兩飲水上池秋品望陳驚座聲名趙倚樓結交輕富  
貴論古破窮愁武庫千人服文林百代收以君買書於市取得丁綰卯侯旬自備印  
曰家爲集多入價所散見自應也以平生雖強項低首拜風流

周康侯大令名賢

周郎天下士顛顛在京華三北神仍玉雙南價久奢自蒙青眼對甚感

赤心加醉聚春恆駐談深日易斜春居驄使宅劍哭狗屠家人海餘容

膝文壇少拾牙芙蓉無賴月楊柳莫愁花體二有古乃今除兼百官首皆賦可粘

以一聯生活也十字須千古荒寒問暮鴉

妻兄李兩亭司訓名調人之

自挾方嚴氣亭亭壁立端閑邪蓬矢直醫熱蔗漿寒亦具中人產常留

大帛冠父書佳日理昆玉盛年歡論出千言切吟成五字安家肥思豹

澤身苦答熊丸須望芙蓉鏡胡求苜蓿盤長材憐短馭爭忍付閒官

徐芮南大令名林制邑人

嶽色河聲裏斯人有故關尊師知學邃許為子監中歷二公高生愛客賴官

閒挈簪囊羞澀耽書帖膩顏似彈長劍缺未唱大刀環往歲槐花踏清

秋桂子攀識韓驚異數說項傲同班今日知何處斜陽隱遠山西方思

彼美引領碧雲間

侍講林錫三師名天

當代文章伯遙瞻在九天早科森玉筍夜語撒金蓮永叔持衡日蘭成  
射策年紅殊橫卷帛青選入囊錢同治丙寅以富師一齊學富中余侍宴常三  
爵趨朝敢入甄食蒿邪必卻諫草祕無傳福地張華博高門□□賢望  
洋人自歎閩海浩春煙

題劉景韓師像師名仰斗

蚤歲便餘冷峭風不因人熱似梁鴻圖中今作羔裘煖如此傳神恐未  
工

青鐙如豆雪初晴夜作蠅頭老眼明案上一編農器譜剛逢春及恰鈔  
成

漢寢常哀麥飯空  
族墳今置祭田豐  
年年芳草清明節  
酒絮香花總是功

處處皋比講少儀  
經師爭合比人師  
先生別有通經處  
楮野無言備四時

讀華陀傳

稻糠黃犬術何如  
漆葉青黏世有諸  
燒絕囊書羣歎息  
問誰真解五禽圖

座師曹朗川夫子命畫馬因賸以詩

往日鹽車下誰曾  
拔爾身耳批雙竹直  
繫散五花勻澡浴  
常宜水騰驥不動  
塵休言千里志鳴  
處便驚人

三月晦日送劉小渠比部旋里



軟風吹綠燕南草  
雨過御溝新柳裊  
三載秋曹鄉夢深  
人歸欲趁春歸  
早春歸天末  
俟來春人歸  
汾上有故人  
未審回頭薊門樹  
尙能念我天  
街塵我今卻憶髫齡日  
試院同揮呵凍筆  
彈指十年冉冉過  
談心一夕  
匆匆畢豐臺芍藥金帶圍  
欲贈翻嫌號可離  
祇應拂拭桃花紙  
爲君一  
賦送春詩

贈常小軒

公子終筵愛客誠  
論交坐滿魯諸生  
同人自醉周公瑾  
俗物誰攬阮步  
兵日暮窺書星  
夜下春深擗管雪  
時晴高科正是君  
家事努力前賢身  
後名

落第

鵲噪鐙花夜夜同  
可憐頭腦尙冬烘  
非關月旦評無準  
終是陰符練未

工末路桑榆在何日比鄰桃李獨春風  
二千里外深閨月猶盼泥金一紙紅

下第次日送衛莊游天津

風氣新成繞指柔問君能否曲如鉤  
幾人漂落黃霉雨有客思觀碧海流  
垂柳千條春夏別扶桑一望古今浮  
雞蟲得失須臾事大鳥從他笑鸞鳩

送周康侯西歸

禪榻春風白髮侵朝來忽地動歸心  
三年衫色傷塵沆一路鈴聲趁雨淋  
人類文園餘壁立家鄰汾水易秋深  
平生正有名山業莫爲窮愁擲寸陰

熱河贈劉秀書司馬

劉君才大何榮榮別駕誠宜授士元絕塞春風好相識高齋霽雪夜不  
 寒剪刀麪香蜚醬美泥我屏間寫山水投刺便迎僮僕忙揮豪雖拙主  
 人喜當日家貧乏立錐成童已賦遠游詩關塞不譏仗劍者英雄亦有  
 捉刀時終年不借尙須借終日矣行誰識矣撒手憤游寶山中金銀氣  
 照鬚眉碧麥秋雲葉聚成苗君時游聚古略拉商以是孤山見粉登仕選出  
 藥鼎丹爐燕自燒直是天財輸鬼役人間十萬已案子格古也詩賦等金名  
 纏腰何須馬磨徒辛苦何用牛車遠服賈喜換頭銜且稱觴敬持手版  
 來聽鼓鵲華山上草萋萋釣突泉邊柳未齊客裏終朝思寄鮓目中何  
 處著醺雞腰身豈爲督郵折臂血奚煩慈母鬪杜宇聲中游宦歸山公  
 背上同官別東來往苒五年餘兩鬢蕭蕭賦遂初只擬散財同馬援那  
 知竊藏遇頭須伊我與君同磨竭中人之產一朝竭祇今妙手號空空

徒剩雄心書咄咄風波雖復似同舟就裏事情迴不侔自得自失君何  
恨肯構肯稷我則羞誓將投筆學耕牧縫掖何如短後服雀鼠壯難竊  
盡倉牛羊多且量成谷謀生雖鄙免于人百口况猶倚此身豈以多財  
求作宰願因修德共爲鄰

送許桂一孝廉

旗亭盡日共追攀送爾西風獨自還倘典征袍謀醉月中秋計已到中  
山

送杜英三拔貢

驛亭黃葉落深秋下馬重看破鹿裘可有紅氍留裏背燕南十月雪花  
稠

近聞房師陶公商巖卒安邑任所不審旅櫬何似其幕友夏淵

如先生亦久不見消息

終古惟留一面緣文章契合亦徒然  
幾人死友憂身後三夜生魂恍眼  
前靈几猶陳安邑棗歸舟不覩石  
湖蓮布帆他日南中去瀨洛誰爲  
指墓田

陶潛初仕彈冠出夏統曾聞賣藥來  
淶水芙蓉方結契泰山梁木遽經  
頽豬肝久受行廚供馬足應隨遺  
櫬回獨有門生千里外隻雞絮酒  
總銜哀

次韵沈雲巢方伯重宴庚午鹿鳴紀恩之作四首錄三

夾轂停觀滿道周老成終是邁時流  
初心不負尋梧月晚節多香證菊  
秋半壁東南方岳望一生前後曲江  
游大臣曼壽皇情豫中使遙聞杖  
賜鳩

福星灼灼照奎躔  
帝念耆英徵召聯  
葦榜同升雲裏闕  
蒲輪暫舍海濱  
田珠圍佳士三千履  
瑟鼓嘉賓廿五絃  
惜抱雲崧當日事  
淵源一脈接

前賢

於統  
嘉慶  
陞修  
庚子  
午顯  
北湖  
重宴  
先  
鹿灼

老竹孤枝嫩百竿  
龍鍾玉笋許同班  
使來綠野三徵尹  
士到青雲一識  
韓榮世文章齊上壽  
老年德望耐高官  
題名直作朱書耳  
何待他時始  
改觀

送家春樵孝廉歸里

獨鶴飛飛飲太和  
屢游燕趙無悲歌  
有時老子興不淺  
依舊深情喚奈何  
歲云秋矣露華冷  
紅蓼白蘋香滿艇  
東海遙遙迂客途  
西風策策念鄉井  
紫金山下草萋迷  
我亦山村舊隱栖  
玉楮三年成未得  
銅鞮十日醉如泥  
醉中送客况爲客  
春明門外楊柳陌  
布帆空望顧凱船  
胡牀却

少桓伊笛行矣君子慎波濤問天莫便搔二毛到家猶及重陽日滿插  
茱萸好題糕

贈賈小芸

君同姊夫也君十二月  
時在署爲賊垣所縛至令直王諫國寶鄭自逸焚出甲是

泣爲賦月君詩錄前事而

王郎作宰獨賢勞徑上東牀代捉刀冀北禮羅初到幕睢陽賊柵驟穿  
濠焚身藥替新磨劍濺血花留舊贈袍親在那堪隨友死不妨忠孝兩  
分曹

當日縋城擬省親常山遺髮尙隨身豺狼猶自紛圍邑魑魅公然喜得  
人豈有空拳冒白刃曾聞盛德感黃巾求生惡死原非怯每爲高堂禱  
鬼神

問君奚術得無傷尙記逃來堯母鄉何日朝天泣摩詰一時縮地走長

房民知長者椎牛享虜詫奇人奪馬亡痛定迴思當日痛生生死死總難忘

雲山絕北望河東尙憶英魂一炬紅城破身經銅馬虜路難音少紙薦通親看死節留傳信幸得生還撰表忠臘粥年年供忌日伯桃羊角兩英雄

生日至趙州橋次壁間韻

烏帽鶉衣駝褐裝長歌弔古入斜陽城痕疊甃披斑蘚橋影橫弓掛綠楊燕市經年仍獨返平原異代爲誰忙今朝趙北逢生日澆酒何須憶故鄉

湯陰夜過未能瞻禮岳祠用店壁韻書意

直抵黃龍奏凱歌金牌不受奈君何太行無限英雄骨化石猶然望渡



河

五國城中望眼枯  
罪臣歸骨竟西湖  
他年把臂于忠肅  
羨爾功成始受誅

又見金陀撰粹編  
忠臣子孝更孫賢  
頗聞近有湯陰岳  
殺馬不馱秦欄

泉

相傳秦大士公車至湯陰不認岳王廟馬驪於路問秦曰君秦氏已別乎余岳而姓

行

雪夜寄劉選之猗氏

朔風吹雪花如掌  
酒醒蕭齋中夜朗  
倚窗八尺青琅玕  
謾謾向人發琤  
響擁衾起揜敝  
貂裘長嘯寒甚卻  
登樓西望山川都  
一色故人何處心  
悠悠記得前年跨  
駿馬出門大笑游  
天下三春桃李盛  
長安楊柳風流  
胡爲者洗耳聽鷓  
作鍼砭自攜斗酒  
佐雙柑素心數輩  
話人物爲說令

狐劉孝廉孝廉文名雷灌耳目中落落無餘子本充駿骨到金臺翻共  
狗屠飲燕市著屐卽時訪斯人幽居畢竟遠鶯塵萬花叢裏興聖寺跌  
坐藤蘿無主賓有時君來直入座據案呼伴今日餓冷淘麪成鮮醬香  
看君甘於駝峰炙又或冶游過銅街鞭絲帽影羣誹諧斗然正色規我  
錯橄欖有味藥無乖未幾秋空書咄咄辭君飲馬長城窟聞君襪被卽  
西歸依然高臥南齋月而今我亦返故關同在河汾百里間把棹欲尋  
戴安道閉門想類袁君山高才定有聚星句逸興能無菟園賦期君映  
雪類孫康熟讀舊書求無誤如能過我定何難禪房文酒追古歡不然  
努力崇明德無事區區勸加餐

寄訊山陰陸子善出都兼以寬之

見說空迴借計車都中往返意何如  
貲郎誰遣相如免米價無難白傅

居到處貧交天下士歸來富有枕中書五人捧檄爲親喜莫學溫生便  
絕裾

九日有作奉送曹朗川太史師出守南康兼呈吉三太史師叔  
日下勾留豈異鄉歲華荏苒此重陽紫萸人祝明年健黃菊天開晚節  
香秋懷對此良無已西去征鴻東去水北闕忽聞擇使君南轅遂復送  
夫子夫子玉堂餘十年雙丁二陸儼星聯夜聽風雨同舒被曉入明光  
共步甄今茲特授南康守卓蓋朱轡往江右長孺何嘗薄淮陽樂天深  
喜臨廬阜綠漲宮亭遲布颿清懸石鏡鑿冰銜棲賢寺近先看竹直節  
堂成合補杉南康府署曰樂堂成植六杉樹於堂下曰香欲守節如此  
節杉之直曰節也直作書偶到鵝池上鐵畫銀鉤筆力壯覓句或來鶴觀  
中棋聲旖影吟懷暢似此皇恩寄一麾未妨奪去鳳凰池羊城接壤能

將父鹿洞放衙兼作師師道南矣疑孰質師資孰得我先失最難矜字  
去三年敢說阿蒙變十日槐花往歲粲并垣夫子曾乘使者軒時月惟

借黃叔度異才首拔王公孫

庚午余以第三人也獲科擢主考官河師與善

笑賤子文名殊錄錄幾曾累作三千牘何期薛卞一時遭視若青萍與

結綠爾日剛過重九來暫逢笑口當筵開蜨丸尙欲推絕頂虬戶誰知  
暴兩顛於今屢閱登高節古道長亭偏賦別辭饔焦桐不勝吟經霜紅  
柳那堪折送人作郡若爲心送者自崖思更深况乃一堂絲竹響今成  
三疊渭城音我聞昔者楊中立伯叔程門皆所及未審先生編史餘可  
容小子持經入代管三鱣豈異人速驅五馬慰斯民他時召相二千石  
日日沙堤永坐春

朗川師將赴南康任以詩留別次韻二首

溫綸一下九重闈莫更東華踏輦摩郡國練才儲政府湖山循例付詞  
人窮檐有苦三時訪吏舍無權百務親記取來年聽報最下應如草澤  
如春

蚤歲高科賦北征菊谿蒲澗

竹谿  
澗也

達蓬瀛雄州偶入三刀夢樂國行

添五袴聲江右學延朱子脈匡山詩見白公情講堂如故吟壇在牛耳  
同期來主盟

朗川師命畫扇一面書前九日奉送之作以當別念畫成又系

小詩

綠玉扶身替五駒青鞋著脚抵雙鳧何當杖履追陪去畫取香爐瀑布

圖

熱河留別金元直西歸

二月烏桓未識春寒衣惜解遠游人鄉心勝日閒中動友誼天涯分外  
親立志莫矜依淥水懷才何憚踏緇塵吾儕政有千秋業努力加餐愛  
此身

寒花邊柳蘄門東乍入鄉心盡轉蓬日下有聲來舊雨月餘無福坐春  
風銷魂漫賦文通句遠志猶存伯約籠記取明年京國聚與君分折杏  
花紅

齊罇詩爲尋管香給諫作

睚上后土祠漢皇獲鼎所金氣頽秋空煽爛作伏虎陰崖閔懷寶陽侯  
盛齋怒高浪掀天來射岸叢萬弩石罅闌然裂縫出古鏞虞伊誰窟室  
懸乃有歌鐘拊黃門鐘鼎家昆季並嗜古脫貫徑購歸通夕手摩撫綠  
繡剗薜斑墨華捶麻楮舉例先辨體析疑自畫肚微靄帶繁星平疇擢

柅黍涎跡盤蝸交鬪形瘦蛟舞旁行忽斜上中樂左右鼓齊字秀三禾  
銘文圍九乳齊景族鑄鐘鴻烈典堪數鐘大鑄乃小高陵注周語獨怪  
此齊鐘何繇蕘晉土葵邱會所懸崔氏賂所取我聞晉義熙霍山得鐘  
五篆古識者希箝口盡齟齬嗟我河東郡法物茲焉聚卽欲考古文何  
用尋岫嶼况乎古之樂懸鐘必成堵此鑄既來歸應爲嘯匹侶鼎有蓋  
底銘劍分雌雄股神物不獨見試更覓故處齊人有韶樂所鑄備律呂  
上以考籀文下以佐杜舉太平既有徵逸經何難補

再爲管香給諫題齊鑄拓本

齊鑄齊鑄乃出葵邱黃河所蓄之絕壑給事家居茂陵獲鼎處并得其  
鬲與其鐸爲搨鑄上文綠澀墨光錯首云五月吉丁亥中云齊師鑿叔

作

鑄字

乃來

秋

其

精

所

辨

議

出

人

徵

世

本

遺

字

補

說

文

略

銘

辭

百

七

十又二盤庚大誥同灝噩前詩引晉中興書比之義熙得鐘在太極今再送數難聊試發一噓昔者韋曜鄭康成罇鐘大小若相爭我云二者各自有大小物之冤雪人訟平獨怪王肅陳統輩強謂婦人尙柔不用罇鐘聲如使女器同不邇邾婁燕姑孰爲銘况此大鐘用享祀胡然三著姜女名又怪杜預解春秋乃云齊桓會地在陳留果使茲役非晉地安得惶遽赴會之晉侯况自班固漢志來邾上久矣名葵邱今者齊罇又出此益信西河攘翟有方舟數事皆足證經義瓌寶真欲勝天球無怪好事潘司寇千金購存攀古廬我聞北魏張恩發湯冢鐘磬盡向河中擲同出尻睢一片土茲遭拂拭彼沈溺又聞唐時宋沈精於音塔鈴車鐸盡能識廣平文孫知律呂倘見此者更不釋噫嘻賤子敢一言此器千金良不易古今出地第二鐘自宣和來難再得何不懸置汾陰后



土祠永與焦山周鼎張南北

歲寒三友詩

有序

甲戌冬閩夢巖師消寒小集或醉寫松竹梅花隨俗名之歲寒三友諸君皆有題句余不預會異日方命繼作忽值遏密八音聲律不能

諸矣

臘時甲戌臘月也

愁慘如讀北風篇茲寒不減堯崩年宮槐葉落生野煙誰者天生多節  
堅君子幽貞美人妍大夫菱舍與周旋淚斑欲比湘浦濺縞素普將官  
開環支離莫逮攀龍鬚冰天雪地同涵漣來歲東皇春改元鐵石心腸  
責任專拔擢青士植蒼官勿任一暴十日寒諸君樹立共勉旃千古  
人從晚節觀老柏森森葛廟前勁節貞操試一攀嗚乎莫讓獨支半壁天  
爲外祖母孫太孺人撰書事一篇撰畢悽然賦此

我昔遘閔凶七齡慘失母明年父見背生人樂何有共道癖書深偏思  
逃塾走子子吾何歸茫茫喪家狗暫得依阿婆孤兒計誠苟借事幸來  
勤託病希住久怖鴿近卽安放豚歸斯受維時外家衰生計割膏畝老  
人辨色輿躬自任箕帚滌拭徧几榻安頓及嬰缶我方起遲遲恃愛挽  
襟肘褪衣搜蟻蝨解襪搓膩垢柏廬格言幘指字詳告誘慙知能理解  
喜贊不容口旋聞歎息云吾今已中壽早晚閉雙睛難見爾成偶我有  
約指環碧玉宜素手卽今以畀兒他日畀兒婦泊我十二齡游泮采芹  
菲孺人垂淚言五婢爾知否中先行母於第五也夫妻有佳兒命短不厮守但  
得兒有成是汝死不朽明年咸豐末太歲在辛酉老病臨春三厄數遇  
陽九姻戚致贈襚鄰里斷杵白嚴霜摧樹護高墳輓廣柳追惟平生訓  
事事蘄忠厚佩我必韋弦貽我况瓊玖爾時有癡念得第拖紫綬迎養

奉板輿介眉進觴酒庶持將母忱代爲祈壽壽豈知總空空徒爾呼負  
負雖復一榜列遠在十年後掃墓果何知枉用薦春韭孺人賜玉環室  
內偏粗醜孺人教家訓家事幾分割孺人期高第而我拙進取孺人勸  
明德而我愧多咎經濟束高閣文章覆醬瓿縱使功名成金印大如斗  
旣難答恩慈祇可炫賓友中夜起思惟存者餘吾舅大布縫春衣小麥  
奉糧糗再拜告孺人可得一頷首

里門外有郭景純碑因題長句

神仙安得謗經師智士忠臣獨任之偏王預陳天下統成仁甘赴日中  
期陽明異代誠知己忠武同岑信可兒疑家忠我愧先生鄉里客摩挲  
石闕有餘思

謁裴趙二公祠

有序

唐裴文忠度宋趙忠簡鼎胥生吾邑鄉賢祠外別有兩公合祠間嘗披讀本傳一則曰臣誓不與賊俱生一則曰誓九死以不移迹其嚴毅剛正如出一塗此實難矣

天下安危際何人隻手扶一鄉名世藪兩代  
皇書恥發俱生處忠堅  
九死餘臣心同此誓幾輩尙全軀

雪虛聲堂詩鈔卷一終